

Pontium structurae praefectus.

Der Brückenmeister.

Navigio quoties exercitus exit in aequor,
Nec superare maris vimq; minasq; potest.
Cura mihi solidos ex robore ponere pontes,
Triste quibus legio transeat usa fretum.
Aut ubi ponticuli grauis impetus omnia rumpit
Ligna, per aduersas nauibus utor aquas.
Atq; procellosum mare classibus ambulo, donec
Fortiter ad portus arma virosq; ueham.
Hinc ego militibus, castris acceptus et ipsis,
Consequor et studio praemia multa meo.

Delectorum militum Scriba.

Der Musterschreiber.

Centurio tantos mihi designauit honores,
Ut vigil a quouis milite Scriba uocer.
Nemo receptus enim turbas numerabitur inter,
Ipse nisi calamos senserit ante meos.
Quisq; mihi posita formidine nomina fatur,
Quilibet et natus qua sit in urbe, refert.
Omnibus exigua decerno stipendia penna,
Omnibus addo suam, quam meruere, stipem.
Forte graues inter si quicquam negligo curas,
Cogimur id damno reddere saepe graui.

Magi-